

Ineqarnermut, Attaveqarnermut Aatsitassanullu Naalakkersuisoq  
Landsstyremedlem for Boliger, Infrastruktur og Råstoffer

Inatsisartunut ilaasortaq  
Anthon Frederiksen  
/MAANI

## **BSU aqqutigalugu illuutillit naammaginatsumik sullinneqarnissaminnik periarfissaat**

Aallarniutigalugu BSU aqqutigalugu illuutillit naammaginatsumik sullinneqarnissaminnik periarfissaat pillugit apeqquteqaateqaravit qutsavigissavakkit.

Allakkanni allapputit BSU aqqutigalugu illuutilimmik, isugutammik qilaallu kuserneranik ajornartorsiuteqartumik oqaloqateqarsimallutit. BSU aqqutigalugu illuutilik ikiortissarsiorluni sumut saaffiginnissinnaanermik nalornissuteqarluni oqarsimavoq.

Apeqquteqaatinnut akissutitut BSU aqqutigalugu illuutillit pisinnaatitaaffii pisussaafiilu pillugit nassuiaateqassaanga.

BSU aqqutigalugu illuliaq namminerisamik pigisaavoq, tassalu BSU aqqutigalugu illuutillip BSU aqqutigalugu illuliamik piginnittussaataavoq. Namminerisamik piginnittussaataanerup taassumarpiaap piginnittup illumut naalagaasinnaaneranik isumaqartup aalajangiusimaannarnissaa pingaaruteqartorujussuavoq.

Kisiannili piginittoq BSU aqqutigalugu taarsigassarsianik Naalakkersuisunut akiitsoqartilluni BSU aqqutigalugu illuliaq qularnaveeqqusiullugu allanik taarsigassarsinnaanngilaq.

Piginnittup BSU aqqutigalugu illuliamut pisinnaatitaaffii soorunami piginnittup pisussaaffiinik illuatungilerneqassapput.

Piginnittoq pisussaavoq BSU aqqutigalugu illuutini illersorneqarsinnaasumik aserfallatsaaliussallugu. Illersorneqarsinnaasumik aserfallatsaaliuineramik oqarnermi isumagineqartoq tassaavoq, BSU aqqutigalugu illuutillip illup ilaanik pisariaqartitsilernermi taarsersuisarnissaa iluarsaassisarnissaalu, assersuutigalugu pisariaqartertillugu igalaanik illullu qaavanik taarsersuisarnissaq. Tassanissaaq piginnittup tunngaviusumik illuutiminik illersorneqarsinnaasumik aserfallatsaaliuinissamut pisussaaffeqarnissaata aalajangiusimanissaa pingaaruteqarpoq.

BSU aqqutigalugu illuutilik ilisimatitsivoq, isugutammik ajoqusikkat pillugit Ineqarnermut Attaveqarnermullu Pisortaqaqarimmu saaffiginnissimalluni. Ilisimavara inislianut tapersiissuteqartarneq pillugu peqqussummi maleruagassat naapertorlugit

23.10.2006  
J.nr. 38.58/00

Postboks 909  
3900 Nuuk  
Oq/tel +299 34 54 00  
Fax +299 34 54 10  
iap@gh.gl  
www.nanoq.gl/iap

pineqartoq siusinnerusukkut iluarsaassinissamut taarsigassarsitinneqarsimasoq. Tamatumunnga peqatigitillugu ilisimatinneqarpunga iluarsaassinerit iller-sorneqarsinnaasumik suliarineqarsimasut.

Kiisalu aamma ilisimavara pineqartoq allaffeqarfinniit ilisimatinneqarsimasoq, taarsigassarsiat siulliit tunniunneqarnerisa kingorna ukiut tallimat qaangiunnerini Namminersornerullutik Oqartussat nutaanik taarsigassarsititsisinnaasut.

Naggataagut ilisimatitsissutigisinnaavara allaffeqarfinniit INI-miillu sulisut 2006-imi sap. ak. 16-imi aamma 17-imi Ilulissaniissimmamata, illoqarfimmi BSU aqqutigalugu illuliat tamaasa misissoriartorlugit. Tamatumunnga atatillugu Pisortaqarfimmiit INI-miillu BSU aqqutigalugu illuutilik pulaarneqarpoq, pineqartulli sulisut iseriartorlutik majuartarfinnut pisut isernissaannut itigartippai, Pisortaqarfiup INI-llu BSU aqqutigalugu illuutilinnut neqeroorutigisinnaasaattut periarfissat tusaqqik-kusunnginnerarlugit.

Taamaattumik qinnuigissavakkit pineqartoq attaveqarfigalugu ilisimateqqullugu, allaffeqarfinnut nutaamik saaffiginnilluni periarfissaminik paasiniaanissamut tikillu-aqquneqartorujussusoq.

Neriuppunga siuliani allakkakka apeqqtinnut naammaginartumik akissutaasimasasut.

Ikinngutinnersumik inuulluaqqusillunga

Jørgen Wæver Johansen